

genschafft wunderbarer Würcungen / dann /
 so man darvon etliche Tropffen einnimbt / vnd dar
 auff schwiszet / so durchsuchet er den ganzen Leib /
 öffnet alle Obstructiones, verzehrt das böse im Leibe
 gleich wie Feuer das Holz; Ist ein fürtreffliche
 Medicin in Epilepsia, mania, suffocatione matri-
 cis, scorbuto, Melancholia hypochondriaca, vnd
 andern Kranckheiten / welche von obstructionibus
 vnd putredine sanguinis herkommen: Ist auch
 gut in peste, vnd allen andern Febern zugebrau-
 chen: Mit einem Spiritu Vini vermischer / vnd täg-
 lich davon genüzet / thut Wunder in allen äusser-
 lichen Zufällen: Auch in Apoplexia, Contractura
 vnd andern Kranckheiten der Nerven / das schade-
 hafte Glied damit gerieben / penetrirer biß auff das
 Marck in den Beinen; erwärmet vnd erquicket
 die verkaltete vnd verstarrete Senen: In colica, ne-
 ben innerlichem Gebrauch / ein wenig mit einem
 Clistier appliciert / hilfft alsobald: Machet schlaf-
 fen / eingenommen / oder nur daran gerochen: Zus-
 serlich auff das schmerz- hafte Podagra gestrichen /
 legt die Schmerzen / vertreibt alle Geschwulsten
 vnd inflammationes: Heylet die krätzige Haut vor
 allen andern Medicamenten / vertreibt Flechten /
 Zitrichten / vnd was dergleichen mehr für kriechen-
 de / vnd vmb sich greiffende Mängel der Haut
 seynd: Heylet frische Wunden / vnd alte Schän-
 den / als Fisteln / Krebs / Wolff / vnd wie sie Naha-
 men haben mögen: Löschet allen Brand / vertreibt
 gangrænam, dissipirt vnd consumirt die Knoten
 vnd